

### 0.0.1 nandakasuttaṃ

1. ekaṃ samayaṃ bhagavā vesāliyaṃ viharati mahā-vane kūṭāgārasālāyaṃ. atha kho nandako licchavimāhāmatto yena bhagavā tenupasaṅkami. upasaṅkamtvā bhagavantaṃ abhivādetvā ekamantaṃ nisīdi. ekamantaṃ nisinnaṃ kho nandakaṃ licchavimāhāmattaṃ bhagavā etadavoca: catūhi kho nandaka, dhammehi samannāgato ariyasāvako sotāpanno hoti avinipāta-dhammo niyato sambodhiparāyaṇo. katamehi catūhi: idha nandaka, ariyasāvako buddhe aveccappasādena samannāgato hoti: "itipi so bhagavā arahantaṃ sammā sambuddho vijjācaraṇasampanno sugato lokavidu anuttaro purisadammasārathī satthā devamanussānaṃ buddho bhagavā"ti. dhamme aveccappasādena samannāgato hoti: "svākkhāto bhagavatā dhammo sandiṭṭhiko akāliko ehipassiko opanayiko paccattaṃ veditabbo viññūhi"ti. saṅghe aveccappasādena samannāgato hoti: supaṭipanno bhagavato sāvakaśaṅgho, ujupaṭipanno bhagavato sāvakaśaṅgho, ñāyapaṭipanno bhagavato sāvakaśaṅgho, sāmīcipaṭipanno bhagavato sāvakaśaṅgho, yadidaṃ cattāri purisayugāni aṭṭhapurisa-puggalā esabhaṅgavato sāvakaśaṅgho āhuneyyo pāhuneyyo dakkhiṇeyyo añjalikaraṇīyo anuttaraṃ puñña-kkhettaṃ lokassāti. " ariyakantehi sīlehi samannāgato hoti akhaṇḍehi acchiddehi asabalehi akammāsehi bhujissehi viññuppasatthehi aparāmaṭṭhehi samādhisaṃvattanikehi. imehi kho nandaka, catūhi dhammehi samannāgato ariyasāvako sotāpanno hoti avinipātadhammo niyato

sambodhiparāyaṇo.

2. imehi ca pana nandaka, catūhi dhammehi saman-  
nāgato ariyasāvako āyunā saṃyutto hoti dibbenapi mā-  
nusenapi. vaṇṇena saṃyutto hoti dibbenapi mānuse-  
napi. sukhena saṃyutto hoti dibbenapi mānusenapi.  
yasena saṃyutto hoti dibbenapi mānusenapi. ādhipa-  
teyyena saṃyutto hoti dibbenapi mānusenapi. taṃ  
kho panāhaṃ nandaka, nāññassa samaṇassa vā brā-  
hmaṇassa vā sutvā vadāmi. api ca yadeva mayā sā-  
maṃ ñātaṃ sāmaṃ diṭṭhaṃ sāmaṃ viditaṃ tadevā-  
haṃ vadāmīti. evaṃ vutte aññataro puriso nandakaṃ  
licchavimahāmantaṃ etadavoca: "nahānakālo<sup>1</sup> bhante,  
"ti. "alandāni bhāṇe, etena bāhirena nahānena. ala-  
midam ajjhattam nahānam. bhavissati yadidaṃ bha-  
gavatippasādo"ti.

---

pts page 390

<sup>1</sup>nahānakālo-syā.

bjt page 216